

Asociación
de Empresarios de Riveira

C.I.F. G-15045594
C/Rosalía de Castro, 13
15960 – RIVEIRA (A Coruña)
Tel. 981 873719 Fax. 981 872406
correo@empresariosriveira.com

SORTEO CAMPAÑA NADAL 2020-2021

A ASOCIACIÓN DE EMPRESARIOS, COMERCIANTES E TRABALLADORES AUTÓNOMOS DE RIVEIRA, con C.I.F. nº G-15045594 e domicilio social en Riveira, Ruá Rosalía de Castro, 13 e no marco dunha serie de actuacións directamente encamiñadas a fomentar o comercio local, vai ORGANIZAR UN SORTEO, cuxo obxecto é motivar as compras nos establecementos comerciais do Concello e premiar a fidelidade do cliente, obsequiando ao consumidor con boletos que lle darán opción a gañar os premios do sorteo. Estes premios servirán de estímulo para intentar incrementar as compras no noso Concello.

O devandito sorteo levarase a efecto de conformidade coas seguintes

BASES

PRIMEIRA.- DURACION.-

A promoción, na que se inscribe o sorteo, terá lugar entre os días 9 de decembro de 2020 e o 6 de xaneiro de 2021, inclusive.

SEGUNDA.- AMBITO TERRITORIAL.-

As rifas só serán obsequiadas nos establecementos comerciais do Concello de Riveira, participantes na Campaña do Nadal, con motivo da adquisición de produtos durante o período referido na base 1ª anterior.

A Asociación de Empresarios, Comerciantes e Traballadores Autónomos de Riveira soamente venderá talonarios de rifas aos establecementos participantes deste ámbito territorial. Os establecementos participantes poderán ser socios ou non da Asociación, pero soamente poderán canxearse os premios nos establecementos que formen parte da Asociación de Empresarios de Riveira.

TERCERA.- PARTICIPACIÓN.-

1.- Poderán participar todas aquelas persoas que efectúen adquisicións de bens ou servizos ou ben realicen consumicións, en calquera dos establecementos colaboradores da Campaña Nadal 2.020-2.021.

2.- Sen prexuízo do anterior, non se fará entrega de ningún dos premios resultantes do sorteo a menores de idade salvo que á entrega comparezan acompañados do seu representante legal ou titor.

CUARTA.- PREMIOS.-

Os premios que se sortearán son os que a continuación se detallan e que responden á seguinte orde:

- 1º) UNHA TARXETA BANCARIA cargada cun importe de 500 euros.
- 2º) DEZ TARXETAS BANCARIAS cargadas cun importe de 250 euros.
- 3º) DEZ TARXETAS BANCARIAS cargadas cun importe de 100 euros.
- 4º) DEZ TARXETAS BANCARIAS cargadas cun importe de 50 euros.

Estas tarxetas caducarán o 31 de marzo de 2021, data a partir da cal non terán validez nin efecto ningún. O importe destas tarxetas só poderá ser canxeado nos establecementos participantes nesta campaña que sexan socios da Asociación de Empresarios de Riveira.

QUINTA.- TARXETAS BANCARIAS E ESTABLECEMENTOS PARTICIPANTES.

Nos momentos previos ao sorteo, facilitarase ao Sr. Notario a listaxe dos establecementos comerciais participantes e os números de rifas adquiridos por cada un deles.

TARXETAS BANCARIAS: os premios están distribuídos en 31 tarxetas bancarias, correspondentes aos premios, constitúen propiamente bonos para realizar compras en calquera dos establecementos comerciais participantes na campaña que formen parte da Asociación de Empresarios, ata o límite da cantidade de cada un dos premios, e sen prexuízo de que o portador das devanditas tarxetas bancarias poida efectuar compras de importe superior ao valor cargado en cada tarxeta, sendo neste caso a diferenza a cargo do comprador.

A cada un dos agraciados coas tarxetas entregaráselle unha relación dos establecementos participantes nos que pode gastar o premio.


Todos os premiados recibirán, ademais da tarxeta bancaria cargada co importe do premio que lle corresponde, un bono spa para dúas persoas.

SEXTA.- BOLETOS.-

Cada boleto terá asignado un número, o período de campaña, a designación da Asociación de Empresarios, Comerciantes e Traballadores Autónomos de Riveira como entidade organizadora, a data do sorteo e a caducidade do boleto.

Os boletos, agrupados en talonarios de cincuenta rifas, serán adquiridos polos establecementos comerciais colaboradores na Campaña Do Nadal.

O establecemento repartirá gratuitamente as rifas ós seus clientes a razón de 1 rifa por cada 10€ de compra ou consumición, excepto aqueles que pola súa singularidade (estarcos, tendas de chuches, bares,....) realizan operacións habitualmente inferiores a esta cantidade. Prohibese a venda de boletos nos establecementos.



Aquellos boletos que, por calquera anomalía ou erro de impresión, teñan algún defecto na numeración (tales como signos, números superpostos, espazos en branco, etc.) que induzan a dúbidas de interpretación, serán declarados NULOS e poderán trocarse na sede da Asociación de Empresarios ata as doce horas da mañá do día 8 de xaneiro do 2.021.

SEPTIMA.- DATA E FORMA DO SORTEO.-

O sorteo terá lugar nun acto público o día 12 de xaneiro de 2.021 ás 11:00 horas, ante notario, no Local Social da Asociación de Empresarios, Comerciantes e Traballadores Autónomos de Riveira, sito en Rúa Rosalía de Castro, 13 entreplanta, de Riveira (A Coruña).

O sistema será por extracción de rifas da uma onde estarán depositadas tódalas matrizes das rifas que participan no sorteo.

Cada establecemento participante poderá repartir como máximo un premio, conseguindo así que 31 establecementos repartan premios. Non se fará esta consideración no caso das rifas suplentes, que poderán ser de calquer establecemento participante.

Entrarán en sorteo todos os números correspondentes aos boletos que fosen vendidos pola Asociación de Empresarios, Comerciantes e Traballadores Autónomos de Riveira aos establecementos participantes.

Extraeranse 31 boletos, un por cada premio e 31 boletos suplentes.

Comenzarase o sorteo extraendo os números correspondentes ao premio de 500 euros. A continuación procederase a extraer os números correspondentes ós 10 premios de 250€ cada un, 10 premios de 100€ e 10 premios de 50€. No suposto de que no curso da extracción obtuyérase un número facilitado por un establecemento que xa otorgara un premio, dita extracción quedará anulada procedendo á extracción dun novo número. Finalmente extraeranse 31 números suplentes que se irán utilizando por orden de extracción.

No suposto de que algún dos 31 boletos agraciados cun premio non fose depositado nas oficinas da Asociación no prazo estipulado na base "OITAVA.-CADUCIDADE", asignaranse os premios non depositados no prazo, comenzando co de maior importe, ós números suplentes, pola súa orde de extracción.

OITAVA.- CADUCIDADE.-

O número premiado deberá ser depositado nas oficinas da Asociación de Empresarios, Comerciantes e Traballadores Autónomos de Riveira ata o día 31 de xaneiro de 2.021. Cumprida esta data o boleto correspondente ao número premiado quedará caducado e sen validez algunha, cobrando vixencia a partir deste momento os números reserva, que deberán presentarse nas oficinas da Asociación de Empresarios ata o día 31 de xaneiro de 2021, tendo prioridade aos premios os suplentes segundo a orde de extracción destes. Despois desta data non se admitirá ningún boleto perdendo toda virtualidade.

Transcorridos estes prazos, sen que aparezan os agraciados (ou algún deles), os premios non adxudicados serán declarados desertos e reverterán ao patrimonio da Asociación de Empresarios, Comerciantes e Traballadores Autónomos de Riveira.

NOVENA.- ENTREGA DE PREMIOS.-

Os premios entregaranse aos agraciados no local da ASOCIACION DE EMPRESARIOS, COMERCIANTES E TRABALLADORES AUTONOMOS DE RIVEIRA, como máximo o 26 de febreiro de 2.021.

DECIMA.- RETENCIONS.-

Os premios enténdense como cantidades brutas suxeitas ás retencións que establece a lei vixente; por tanto dita retención aplicarase automaticamente nos supostos en que proceda.

UNDECIMA.- EXPOSICION DE BASES.-

Estas bases do sorteo estarán depositadas na notaría de Riveira e expostas ao público no tablon de anuncios do local da ASOCIACION DE EMPRESARIOS, COMERCIANTES E TRABALLADORES AUTONOMOS DE RIVEIRA, na páxina web www.empresariosriveira.com, e en todos os establecementos comerciais participantes, durante o período de duración da campaña.

DUODECIMA.- ACEPTACION DAS BASES.-

Os participantes, polo mero feito de participar na presente promoción, aceptan as bases e o criterio da ASOCIACION DE EMPRESARIOS, COMERCIANTES E TRABALLADORES AUTONOMOS DE RIVEIRA en canto á resolución de calquera cuestión derivada da presente promoción. Calquera modificación das bases será comunicada á Dirección Xeral de Emerxencias e Interior.

DECIMO TERCEIRA.- LPD.-

A mera participación no sorteo supón a aceptación plena de todas as bases, así como a autorización á entidade organizadora a empregar a imaxe e datos dos gañadores para os efectos de publicidade do resultado da campaña. Así, ós efectos do establecido na Lei de protección de datos, a Asociación de empresarios de Riveira comunica que estos datos de carácter personal forman parte dun ficheiro denominado "PREMIADOS", podendo exercitar os seus dereitos ARCO na seguinte dirección de correo postal: Rosalía de Castro, 13 Entrechán 15960 Riveira (A Coruña). O incumprimento dalgunha destas bases supón a privación de todos os dereitos que poidan derivar da participación da campaña. No caso de que algunha persoa premiada renuncie a algún premio deberá formalizalo por escrito na sede da Asociación de Empresarios de Riveira no mesmo prazo fixado para a reclamación dos premios.

A organización resérvase o dereito a modificar total o parcialmente estas bases, así como o de suspender o sorteo, sen incorrer en ningún tipo de responsabilidade previa comunicación ó servizo de xogo da Dirección Xeral de Emerxencias e Interior da Vicepresidencia da Xunta de Galicia.

Riveira, 1 de decembro de 2020.